

古卷之四

晉下

宋

石倉十二代詩選

古卷之四

晉詩

明候官曹學佺閱

陶淵明

字元亮入宋名潛潯陽柴桑人

停雲四章

停雲思親友也罇湛新醪園列初榮願言不

從歎息彌襟

靄靄停雲濛濛時雨八表同昏平路伊阻靜寄

東軒春醪獨撫良朋悠邈搔首延佇

停雲靄靄時雨濛濛八表同昏平陸成江有酒

歷代詩選 晉詩
有酒閒飲東窗願言懷人舟車靡從
東園之樹枝條再榮競用新好以招余情人亦
有言日月于征安得促席說彼平生
翩翩飛鳥息我庭柯歛翮閒止好聲相和豈無
他人念子實多願言不獲抱恨如何

時運四章

時運游暮春也春服既成景物斯和偶影獨
遊欣慨交心

邁邁時運穆穆良朝襲我春服薄言東郊山濼

餘靄宇曖微霄有風自南翼彼新苗

洋洋平津乃漱乃濯邈邈遐景載欣載矚稱心
而言人亦易足揮茲一觴陶然自樂

延目中流悠悠清沂童冠齊業閒詠以歸我愛
其靜寤寐交揮但恨殊世邈不可追

斯晨斯夕言息其廬花藥分列林竹翳如清琴
橫牀濁酒平壺黃唐莫逮慨獨在余

采采榮木四章

采采榮木念將老也日月推遷已復有夏總角聞

歷代詩選 卷之四 二
道白首無成

采采榮木結根于茲晨耀其華夕已喪之人生
若寄顛顛有時靜言孔念中心悵而

采采榮木于茲託根繁華朝起慨暮不存貞脆
由人禍福無門匪道曷依匪善奚敦

嗟予小子稟茲固陋徂年旣流業不增舊志彼
弗舍安此日富我之懷矣怛焉內疚

先師遺訓余豈云墜四十無聞斯不足畏脂我
名車策我名驥千里雖遙孰敢不至

酬丁柴桑二章

有客有客爰來爰止秉直司聰于惠百里食勝
如歸聆善若始

匪惟諧也屢有良由載言載眺以寫我憂放歡
一遇旣醉還休實欣心期方從我遊

答龐參軍六章

并序

龐爲衛軍參軍從江陵使上都過潯陽見贈
衡門之下有琴有書載彈載詠爰得我娛豈無
他好樂是幽居朝爲灌園夕偃蓬廬

歷代詩選 晉詩 三
人之所寶尚或未珍不有同愛云胡以親我求
良友寔覲懷人歡心孔洽棟宇惟隣

伊余懷人欣德孜孜我有旨酒與汝樂之乃陳
好言乃著新詩一日不見如何不思

嘉遊未數誓將離分送爾于路銜觴無欣依依
舊楚邈邈西雲之子之遠良話曷聞

昔我云別倉庚載鳴今也遇之雪霰飄零大藩
有命作使上京豈忘宴安王事靡盬

慘慘寒日蕭蕭其風翩彼方舟容裔江中勗哉

征人在始思終敬茲良辰以保爾躬

歸鳥四章

翼翼歸鳥晨去于林遠之八表近憇雲岑和風
不洽翩翩求心顧儔相鳴景庇清陰

翼翼歸鳥載翔載飛雖不懷遊見林情依遇雲
頡頏相鳴而歸遐路誠悠性愛無遺

翼翼歸鳥馴林徘徊豈思天路欣及舊棲雖無
昔侶衆聲每諧日夕氣清悠然其懷

翼翼歸鳥戢羽寒條遊不曠林宿則森標晨風

歷代詩選 晉詩
清興好音時交贈繳奚施已卷安勞

遊斜川

并序

辛丑歲正月五日天氣澄和風物閒美與二三隣曲同遊斜川臨長流望曾城魴鯉躍鱗于將夕水鷗乘和以翻飛彼南阜者名實舊矣不復乃爲嗟歎若夫曾城傍無依接獨秀中臯遙望靈山有愛嘉名欣對不足率爾賦詩悲日月之遂往悼吾年之不留各疏年紀鄉里以記其時日

開歲倏五日吾生行歸休念之動中懷及辰爲茲遊氣和天惟澄班坐依遠流弱湍馳文魴閒谷矯鳴鷗迴澤散游目緬然睎曾丘雖微九重秀顧瞻無匹儔提壺接賓侶引滿更獻酬未知從今去當復如此不中觴縱遙情忘彼千載憂且極今朝樂明日非所求

答龐參軍

并序

三復來貺欲罷不能自爾隣曲冬春再交款然良對忽成舊游俗諺云數面成親舊况情

過此者乎人事好乖便當語離楊公所歎豈
惟常悲吾抱疾多年不復爲文本旣不豐復
老病繼之輒依周孔往復之義且爲別後相
思之資

相知何必舊傾蓋定前言有客賞我趣每每顧
林園談諧無俗調所說聖人篇或有數斗酒閑
飲自歡然我寔幽居士無復東西緣物新人惟
舊弱毫多所宣情通萬里外形迹滯江山君其
愛體素來會在何年

五月旦作和戴主簿

虛舟縱逸棹回復遂無窮發歲始俛仰星紀奄
將中南窗罕悴物北林榮且豐神淵寫時雨晨
色奏景風旣來孰不去人理固有終居常待其
盡曲肱豈傷冲遷化或夷險肆志無窳隆卽事
如已高何必升華嵩

和劉柴桑

山澤久見招胡事乃躊躇直爲親舊故未忍言
索居良辰入竒懷挈杖還西廬荒塗無歸人時

歷代詩選
晉詩
時見廢墟茅茨已就治新疇復應畚谷風轉淒
薄春醪解飢劬弱女雖非男慰情良勝無栖栖
世中事歲月共相疎耕織稱其用過此奚所須
去去百年外身名同翳如

酬劉柴桑

窮居寡人用時忘四運周櫛庭多落葉慨然知
已秋新葵鬱北牖嘉穉養南疇今我不爲樂知
有來歲不命室携童弱良日登遠游

和郭主簿

藹藹堂前林中夏貯清陰凱風因時來迴飈開
我襟息交游閒業卧起弄書琴園蔬有餘滋舊
穀猶儲今營已良有極過足非所欽春秫作美
酒酒熟吾自斟弱子戲我側學語未成音此事
真復樂聊用忘華簪遥遥望白雲懷古一何深

贈羊長史

并序

左軍羊長史銜使秦川作此與之

愚生三季後慨然念黃虞得知千載外正賴古
人書賢聖留餘跡事事在中都豈忘游心目關

歷代詩選 晉詩
河不可踰九域甫已一逝將理舟輿聞君當先
邁負疴不獲俱路若經商山爲我少躊躇多謝
綺與角精爽今何如紫芝誰復採深谷久應蕪
駟馬無貫患貧賤有交娛清謠結心曲人乖運
見踈擁懷累代下言盡意不舒

癸卯十二月中作與從弟敬遠

寢跡衡門下邈與世相絕顧盼莫誰知荆扉晝
常閉淒淒歲暮風翳翳經日雪傾耳無希聲在
日皓已潔勁氣侵襟袖簞瓢謝屢設蕭索空宇
中了無一可悅歷覽千載書時時見遺烈高操
非所攀深得固窮節平津苟不由栖遲詎爲拙
寄意一言外茲契誰能別

與殷晉安別

并序

殷先作晉安南府長史掾因居潯陽後作太
尉參軍移家東下作此以贈

遊好非久長一遇盡殷勤信宿酬清話益復知
爲親去歲家南里薄作少時隣負杖肆游從淹
留忘宵晨語默自殊勢亦知當乖分未謂事已

及興言在茲春飄飄西來風悠悠東去雲山川
千里外言笑難爲因才華不隱世江湖多賤貧
脫有經過便念來存故人

於玉撫軍座送客

秋日淒且厲百卉具已腓爰以履霜節登高餞
將歸寒風冒山澤游雲倏無依洲渚思綿邈風
水互乖違瞻夕欲良讌離言聿云悲晨鳥暮來
還懸車歛餘暉逝止判殊路旋駕悵遲遲目送
回舟遠情隨萬化遺

始作鎮軍參軍經曲阿作

弱齡寄事外委懷在琴書被褐欣自得屢空常
晏如時來苟冥會宛轡憇通衢投策命晨裝暫
與園田踈眇眇孤舟逝綿綿歸思紆我行豈不
遙登降千里餘日倦川途異心企山澤居望雲
慙高鳥臨水愧游魚真想初在襟誰謂形迹拘
聊且憑化遷終返班生廬

辛丑歲七月赴假還江陵夜行塗口作

閒居三十載遂與塵事冥詩書敦宿好林園無

歷代詩選 晉詩
俗情如何捨此去遙遙至南荆叩柅新秋月臨
流別友生涼風起將夕夜景湛虛明昭昭天宇
濶晶晶川上平懷後不遑寐中宵尚孤征商歌
非吾事依依在耦耕投冠旋舊墟不爲好爵縈
養真衡茅下庶以善自名

乙巳歲三月爲建威叅軍使都經錢溪

我不踐斯境歲月好已積晨夕看山川事事悉
如昔微雨洗高林清飈矯雲翮眷彼品物存義
風都未隔伊余何爲者勉勵從茲役一形似有

制素襟不可易園田日夢想安得久離析終懷
在歸舟諒哉宜霜栢

詠二疎

大象轉四時功成者自去借問衰周來幾人得
其趣游日漢廷中二疎復此舉高嘯返舊居長
揖儲君傳餞送傾皇朝華軒盈道路離別情所
悲餘榮何足顧事勝感行人賢哉豈常譽厭厭
閭里歡所營非近務促席延故老揮觴道平素
問金終寄心清言曉未悟放意樂餘年遑恤身

歷代詩選 卷之四
後慮誰云其人亡久而道彌著

桃花源詩 并記

晉太元中武陵人捕魚爲業緣溪行忘路之
遠近忽逢桃花林夾岸數百步中無雜樹芳
草鮮美落英繽紛漁人甚異之復前行欲窮
其林林盡水源便得一山山有小口髣髴若
有光便捨船從口入初極狹纔通人復行數
十步豁然開朗土地平曠屋舍儼然有良田
美池桑竹之屬阡陌交通雞犬相聞其中徃

來種作男女衣著悉如外人黃髮垂髻僉怡
然自樂見漁人乃大驚問所從來具答之便
要還家設酒殺雞作食村中聞有此人咸來
問訊自云先世避秦時亂率妻子邑人來此
絕境不復出焉遂與外人間隔問今是何世
乃不知有漢無論魏晉此人一一爲具言所
聞皆歎惋餘人各復延至其家皆出酒食停
數日辭去此中人語云不足爲外人道也旣
出得其船便扶向路處處誌之及郡下詣太

守說如此太守卽遣人隨其往尋向所誌遂
迷不復得路南陽劉子驥高尚士也聞之欣
然親往未果尋病然後遂無問津者

羸氏亂天紀賢者避其世黃綺之商山伊人亦
云逝往迹浸復漙來逕遂蕪廢相命肄農耕日
入從所憇桑竹垂餘蔭菽稷隨時藝春蠶收長
絲秋熟靡王稅荒路曖交通雞犬互鳴吠俎豆
猶古法衣裳無新製童孺縱行歌斑白歡游詣
草榮識節和木衰知風厲雖無紀曆誌四時自

成歲怡然有餘樂于何勞智慧奇蹤隱五百一
朝敞神界淳薄旣異源旋復還幽蔽借問游方
士焉測塵囂外願言躡輕風高舉尋吾契

九日閒居

并序

余閒居愛重九之名秋菊盈園而持醪靡由
空服九華寄懷于言

世短意常多斯人樂久生日月依辰至舉俗愛
其名露淒暄風息氣徹天象明往燕無遺影來
雁有餘聲酒能祛百慮菊爲制頽齡如何蓬廬

士空視世運傾塵爵耻虛曷寒華徒自榮歛襟
獨閒謠緬焉起深情棲遲固多娛淹留豈無成

歸田園居五首

少無適俗韻性本愛丘山誤落塵網中一去三
十年羈鳥戀舊林池魚思故淵開荒南野際守
拙歸園田方宅十餘畝草屋八九間榆柳蔭後
園桃李羅堂前曖曖遠人村依依墟里煙狗吠
深巷中雞鳴桑樹顛戶庭無塵雜虛室有餘閒
久在樊籠裏復得返自然

野外罕人事窮巷寡輪鞅白日掩荆扉虛室絕
塵想時復墟曲中披草共來往相見無雜言但
道桑麻長桑麻日已長我土日已廣常恐霜霰
至零落同草莽

種豆南山下草盛豆苗稀晨興理荒穢帶月荷
鋤歸道狹草木長夕露沾我衣衣沾不足惜但
使願無違

久去山澤遊浪莽林野娛試携子姪輩披榛步
荒墟徘徊丘壟間依依昔人居井竈有遺處桑

歷代詩選 晉詩
竹殘朽株借問採薪者此人皆焉如薪者向我
言歟沒無復餘一世異朝市此語真不虛人生
似幻化終當歸空無

悵恨獨策還崎嶇歷榛曲山澗清且淺遇以濯
吾足漉我新熟酒隻雞招近局日入室中閤荆
薪代明燭歡來苦夕短已復至天旭

諸人共游周家墓栢下

今日天氣佳清吹與鳴彈感彼栢下人安得不
爲歡清歌散新聲綠酒開芳顏未知明日事余

襟良已殫

移居二首

昔欲居南村非爲卜其宅聞多素心人樂與數
晨夕懷此頗有年今日從茲後蔽廬何必廣取
足蔽牀席隣曲時時來抗言談在昔竒文共欣
賞疑義相與析

春秋多佳日登高賦新詩過門更相呼有酒斟酌之農務各自歸閒暇輒相思相思則披衣言笑無厭時此理將不勝無爲忽去茲衣食當須

歷代詩選 晉詩
紀力耕不吾欺

癸卯歲始春懷古田舍二首

在昔聞南畝當年竟未踐
屢空既有人春興豈自免
夙裝晨吾駕啓塗情已緬
烏弄歡新節冷風送餘善
寒竹被荒蹊地爲罕人遠
是以植杖翁悠然不復返
卽理愧通識所保詎乃淺
先師有遺訓憂道不憂貧
瞻望邈難逮轉欲志常勤
秉耒歡時務解顏勸農人
平疇交遠風良苗亦懷新
雖未量歲功卽事多所欣
耕種有時

息行者無問津日入相與歸
壺漿勞近隣長吟掩柴門
聊爲隴畝民

巳酉歲九月九日

靡靡秋已夕淒淒風露交
蔓草不復榮園木空自凋
清風澄餘滓杳然天界高
哀蟬無歸響叢雁鳴雲霄
萬化相尋繹人生豈不勞
從古皆有沒念之中心焦
何以稱我情濁酒且自陶
千載非所須聊以永今朝

庚戌歲九月中於西田獲早稻

人生歸有道衣食固其端孰是都不營而以求
自安開春理常業歲功聊可觀晨出肆微勤日
入負耒還山中饒霜露風氣亦先寒田家豈不
苦弗獲辭此難四體誠乃疲庶無異患干盥濯
息簷下斗酒散襟顏遙遙沮溺心千載乃相關
但願長如此躬耕非所歎

飲酒 并序

余閒居寡歡兼此夜已長偶有名酒無夕不
飲顧影獨盡忽焉復醉既醉之後輒題數句

自娛紙墨遂多辭無詮次聊命故人書之以
為歡笑爾

衰榮無定在彼此更共之邵生瓜田中寧似東
陵時寒暑有代謝人道每如茲達人解其會逝
將不復疑忽與一觴酒日夕歡相持
積善云有報夷叔在西山善惡苟不應何事立
空言九十行帶索飢寒况當年不賴固窮節百
世當誰傳

道喪向千載人人惜其情有酒不肯飲但顧世

間名所以貴我身豈不在一生一生能復幾倏
如流電驚鼎鼎百年內持此欲何成

栖栖失羣鳥日暮猶獨飛徘徊無定止夜夜聲
轉悲厲響思清遠去來何依依自植孤生松歛
翮遙來歸勁風無榮木此蔭獨不衰托身已得
所千載不相違

結廬在人境而無車馬喧問君何能爾心遠地
自偏採菊東籬下悠然見南山山氣日夕佳飛
鳥相與還此中有真意欲辨已忘言

秋菊有佳色裛露掇其英汎此忘憂物遠我遺
世情一觴雖獨進杯盡壺自傾日入羣動息歸
鳥趨林鳴嘯散晨下聊復得此生

青松在東園衆草沒奇姿凝霜殄異類卓然見
高枝連林人不覺獨樹衆乃奇提壺掛寒柯遠
望時復爲吾生幻夢間何事繼塵羈

清晨聞叩門倒裳往自開問子爲誰歟田父有
好懷壺漿遠見候疑我與時乖縵縷茅簷下未
足爲高樓一世皆尚同願君汨其泥深感父老

歷代詩選
言
言稟氣寡所諧紆轡誠可學違已詎非迷且共
歡此飲吾駕不可回

有客常同止趣舍邈異境一士長獨醉一夫終
年醒醒醉還相笑發言各不領規規一何愚兀
傲差若穎寄言酣中客日沒燭當炳
子雲性嗜酒家貧無由得時賴好事人載醪祛
所惑觴來爲之盡是諮無不塞有時不肯言豈
不在伐國仁者用其心何嘗失顯默

義皇去我久舉世少復真汲汲魯中叟彌縫使
其淳鳳鳥雖不至禮樂暫得新洙泗輟微響漂
流逮狂秦詩書復何罪一朝成灰塵區區諸老
翁爲事誠殷勤如何絕世下六籍無一親終日
馳車走不見所問津若復不快飲空負頭上巾
但恨多謬誤君當恕醉人

擬古

仲春邁時雨始雷發東隅衆蟄各潛駭草木縱
橫舒翩翩新來燕雙雙入我廬先巢固尚在相
將還舊居自從分別來門庭日荒蕪我心固匪

歷代詩選 晉詩
石君情定何如

迢迢百尺樓分明望四荒暮作歸雲宅朝爲飛
鳥堂山河滿目中平原獨茫茫古時功名士慷
慨爭此場一旦百歲後相與還北邙松栢爲人
伐高墳互低昂頽基無遺主遊魂在何方榮華
誠足貴亦復可憐傷

東方有一士被服常不完三旬九遇食十年着
一冠辛苦無此比常有好看顏我欲觀其人晨
去越河關青松夾路生白雲宿簷端知我故來

意取琴爲我彈上絃驚別鶴下絃操孤鸞願留
就君住從今至歲寒

日暮天無雲春風扇微和佳人美清夜達曙酣
且歌歌竟長歎息持此感人多皎皎雲間月灼
灼葉中華豈無一時好不久當如何

少時壯且厲撫劍獨行遊誰言行遊近張掖至
幽州飢食首陽薇渴飲易水流不見相知人惟
見古時丘路邊兩高墳伯牙與莊周此士難再
得吾行欲何求

雜詩

白日淪西河素月出東嶺遙遙萬里輝蕩蕩空
 中景風來入房戶夜中枕席冷氣變悟時易不
 眠知夕永欲言無余和揮杯勸孤影日月擲人
 去有志不復騁念此懷悲淒終曉不能靜
 憶我少壯時無樂自歡豫猛志逸四海騫翮思
 遠翥荏苒歲月頽此心稍已去值歡無復娛每
 每多憂慮氣力漸衰損轉覺日不如壑舟無須
 吏引我不得任前途當幾許未知止泊處古人

惜寸陰念此使人懼

昔聞長者言掩耳每不喜奈何五十年忽已親
 此事求我盛年歡一毫無復意去去轉欲遠此
 生豈再值傾家時作樂竟此歲月駛有子不留
 金何用身後置
 我行未云遠回顧慘風涼春燕應節起高飛拂
 塵梁邊雁悲無所代謝歸北鄉離鷓鳴清池暑
 月經秋霜愁人難為辭遙遙春夜長

詠貧士

歷代詩選
萬族各有託孤雲獨無依曖曖空中滅何時見
餘暉朝霞開宿霧衆鳥相與飛遲遲出林翮未
夕復來歸量力守故轍豈不寒與飢知音苟不
存已矣何所悲
凄厲歲云暮擁褐曝前軒南圃無遺秀枯條盈
北園傾壺絕餘瀝闕竈不見煙詩書塞座外日
昃不遑研閒居非陳厄竊有愠見言何以慰吾
懷賴古多此賢

袁安困積雪邈然不可干阮公見錢入卽日弃
其官芻藁有常溫採菘足朝餐豈不實辛苦所
懼非飢寒貧富當交戰道勝無戚顏至德冠邦
閭清節映西關

仲蔚愛窮居遶宅生蒿蓬翳然絕交游賦詩頗
能工舉世無知者止有一劉龔此士胡獨然寔
由罕所同介焉安其業所樂非窮通人事固以
拙聊得長相從

讀山海經
孟夏草木長遶屋樹扶疎衆鳥欣有託吾亦愛

歷代詩選 晉詩
吾廬既耕亦已種時還讀我書窮巷隔深轍頗
迴故人車歡言酌春酒摘我園中蔬微雨從東
來好風與之俱汎覽周王傳流觀山海圖俯仰
終宇宙不樂復何如

悲從弟仲德

銜哀過舊宅悲淚應心零借問爲誰悲懷人在
九冥禮服名羣從恩愛若同生門前執手時何
意爾先傾在數竟未免爲山不及成慈母沈哀
疚二胤纔數齡雙位委空館朝夕無哭聲流塵
集虛座宿草旅前庭階除曠游跡園林獨餘情
翳然乘化去終天不復形遲遲將迴步惻惻悲
襟盈

擬挽歌辭三首

有生必有死早終非命促昨暮同爲人今日在
鬼錄魂氣散何之枯形寄空木嬌兒索父啼良
友撫我哭得失不復知是非安能覺千秋萬歲
後誰知榮與辱但恨在世時飲酒不得足
在世無酒飲今但湛空觴春醪生浮蟻何時更

能嘗肴案盈我前親舊哭我傍欲語口無音欲
視眼無光昔在高堂寢今宿荒草鄉一朝出門
去歸來夜未央

荒草何茫茫白楊亦蕭蕭嚴霜九月中送我出
遠郊四面無人居高墳正崔嵬馬爲仰天鳴風
爲自蕭條幽室一已閉千年不復朝千年不復
朝賢達將奈何向來相送人各自還其家親戚
或餘悲他人亦已歌歿去何所道託體同山阿

殷仲文

字仲文
陳留人

南州相公九井作

四運雖鱗次理化各有準獨有清秋日能使高
興盡景氣多明遠風物自淒緊爽籟驚幽律哀
壑叩虛牝歲寒無早秀浮榮甘夙隕何以標貞
脆薄言寄松菌哲匠感蕭晨肅此塵外軫廣筵
散泛愛逸爵紆勝引伊余樂好仁惑祛吝亦泯
猥首阿衡朝將貽匈奴哂

謝混

字叔源小字益
壽陳郡陽夏人

遊西池

歷代詩選 卷之三
悟彼蟋蟀唱信此勞者歌有來豈不疾良遊常
蹉跎迢迢越城肆願言屢經過迴阡被陵闕高
臺眺飛霞惠風蕩繁囿白雲屯曾阿景晷鳴禽
集水木湛清華褰裳順蘭沚徙倚引芳柯美人
愆歲月遲暮獨如何無爲牽所思南榮戒其多

湛方生

廬山神仙詩

序曰尋陽有廬山者盤基彭蠡之西其崇標
峻極辰光隔輝幽澗澄深積清百仞若乃絕

阻重險非人迹之所遊窈窕冲深常含霞而
貯氣真可謂神明之區域列真之苑囿矣太
元十一年有樵採其陽者于時鮮霞褰林傾
暉映岫見一沙門披法服獨在巖中俄頃振
裳揮錫凌巖直上排丹霄而輕舉起九折而
一指旣白雲之可乘何帝鄉之足遠哉窮目
蒼蒼翳然滅跡詩曰

吸風玄圃飲露丹霄室宅五岳賓友松喬解纓
復褐辭朝歸薺門不容軒宅不盈畝茂草籠庭

歷代詩選 卷之四
滋蘭拂牖開櫺攸瞻坐對川阜心焉孰託託非
空有素構易抱玄根難朽卽之匪遠可以長久

帆入南湖

彭蠡紀三江廬岳王衆阜白沙淨川路青松蔚
巖首此水何時流此山何時有人運互推遷茲
器獨長久悠悠宇宙中古今迭先後

天晴詩

屏翳寢神轡飛廉收靈扇青天瑩如鏡疑津平
如研落帆脩江渚悠悠極長眇清氣朗山壑千

里遙相見

遊園詠

諒茲境之可懷究川阜之奇勢水窮清以徹鑒
山鄰天而無際乘初霽之新景登北館以悠矚
對荆門之孤阜傍魚陽之秀岳乘夕陽而含詠
杖輕策以行遊襲秋蘭之流芬幕長椅之森脩
任緩步以升降歷丘墟而四周智無涯而難恬
性有方而易適差一毫而遽乖徒理存而事隔
故羈馬思其華林籠雉想其臯澤矧流客之歸

思豈可忘于疇昔

蘇彥

七月七日詠織女

火流涼風至少昊協素藏織女思北沚牽牛歎
南陽時來嘉慶集整駕巾玉箱瓊珮垂藻蕤霧
裾結雲裳金翠耀華輜輶散流芳釋轡紫微
庭解衿碧琳堂歡讌未及究晨暉照扶桑仙童
唱清道盤螭起騰驤悵悵一宵促遲遲別日長

陸沖

雜詩二首

命駕遵長途綿邈途難尋我行亦何艱山川阻
且深洿澤無夷軌重巒有層陰零雨淹中路玄
雲蔽高岑俯悼孤行獸仰歎偏翔禽空谷回倒
景流風漂哀音羈旅淹留久悵望愁我心
肆觀野原外放心希太和景嶽造天漢豐林昂
重阿清芬乘風散豔藻映淥波

張駿

字公庭西涼牧
張寔之世子

東門行

勾芒御春正衡紀運玉瓊明庶起祥風和氣翕
 來征慶雲蔭八極甘雨潤四垓昊天降靈澤朝
 日耀華精嘉苗布原野百卉敷時榮鳩鵲與鶯
 黃間關相和鳴棗萍覆靈沼香花揚芳馨春遊
 誠可樂感此白日傾休否有終極落葉思本莖
 臨川悲逝者節變動中情

支遁

字道林本姓關氏陳留人或云河東林慮人

四月八日讚佛詩

三春迭云謝首夏含朱明祥祥今日泰朗朗玄

夕清菩薩彩靈和眇然因化生四王應期來矯
 掌承玉形飛天鼓弱羅騰權散芝英綠瀾頽龍
 首縹縹翳流冷芙蕖育神葩傾柯獻朝榮芬津
 霈四境甘露凝玉瓶珍祥盈四八玄黃曜紫庭
 感降非情想恬怕無所營玄根泯靈府神條秀
 形名圓光朗東旦金姿艷春精含和總八音吐
 納流芳馨跡隨因溜浪心與太虛冥六度啓窮
 俗八解濯世纓慧澤融無外空同忘化情

五月長齋詩

歷代詩選
卷之四
三
炎精育仲氣朱離吐凝陽廣漢潛涼變凱風乘
和翔令月肇清齋德澤潤無疆四部欽嘉期潔
已升雲堂靜晏和春暉夕陽厲秋霜蕭條詠林
澤恬愉味城傍逸容研冲牘綵綵運宮商匠者
握神標乘風吹玄芳淵汪道行深婉婉化理長
亶亶維摩虛德音暢遊方罩罕妙傾玄絕致由
近藏略略微容簡八言振道綱掇煩練陳句臨
危折婉章浩若驚飈散回若揮夜光寓言豈所
託意得筌自喪霑霑妙習融靡靡輕塵亡蕭索
情牖頽寥朗神軒張誰謂冥津遐一悟可以航
願爲海遊師擢拖入滄浪騰波濟漂客玄歸會
道場

八關齋詩三首

并序

間與何驃騎期當爲合八關齋以十月二十
二日集同意者在吳縣土山墓下三日清晨
爲齋始道士白衣凡二十四人清和蕭穆莫
不靜暢至四日朝衆賢各去余旣樂野室之
寂又有掘藥之懷遂便獨住于是乃揮手送

歷代詩選
歸有望路之想靜拱虛房悟外身之真登山
採藥集巖水之娛遂援筆染翰以慰二三之情
建意營法齋里仁契朋儔相與期良晨沐浴造
閒丘穆穆升堂賢皎皎清心脩窈窕八關客無
捷自綢繆寂默五習真亶亶勵心柔法鼓進三
勸激切清訓流悽愴弘願濟闔堂皆同舟明明
玄表聖應此童蒙求存誠夾室裏三界讚清休
嘉祥歸宰相藹若慶雲浮

三晦啓前朝雙幟暨中夕鳴禽戒朗旦備禮寢
玄役蕭索庭賓離飄飄隨風適踟躕岐路隅揮
手謝內析輕軒馳中田習習陵電擊息心投佯
步零零振金策引領望征人悵悵孤思積咄矣
形非我外物固已寂吟咏歸虛房守真玩幽蹟
雖非一往遊且以閒自釋

靖一潛蓬廬情悒詠初九廣莫排林篠流飈灑
隙牖從容遐想逸採藥登崇阜崎嶇升千尋蕭
條臨萬畝望山樂榮松瞻澤哀素柳解帶長陵
岷婆娑清川右冷風解煩懷寒泉濯溫手寥寥

神氣暢欽若盤春鼓達度冥三才恍惚喪神偶
遊觀同隱丘愧無連化肘

詠懷詩五首

傲兀乘尸素日往復月旋弱喪困風波流蕩逐
物遷中路高韻益窈窕欽重玄重玄在何許採
真遊理間苟簡爲我養迢遙使我閒寥亮心神
瑩含虛映自然亶亶沈情去彩彩冲懷鮮踟躕
觀象物未始見牛全毛鱗有所貴所貴在忘
端坐隣孤影渺罔玄思劬偃蹇收神轡領畧綜

名書涉老哈雙玄披莊玩太初詠發清風集觸
思皆恬愉俯欣質文蔚仰悲二匠徂蕭蕭柱下
迥寂寂蒙邑虛廓矣千載事消液歸空無無矣
復何傷萬殊歸一途道會貴冥想罔象掇玄珠
悵快濁水際幾忘映清渠反鑒歸澄漠容與含
道符心與理理密形與物物疎蕭索人事去獨
與神明居

睇陽熙春圃悠緬歎時往感物思所託蕭條逸
韻上尚想天台峻髣髴巖階仰冷風灑蘭林管

歷代詩選
卷之三
三
瀨奏清響霄崖育靈藹神蔬含潤長丹砂映翠
瀨芳芝曜五爽茗茗重岫深寥寥石室朗中有
尋化士外身解世網抱朴鎮有心揮玄拂無想
隗隗形崖頽回回神宇敞宛轉元造化縹瞥隣
大象願投若人蹤高步振策杖

閑邪託靜室寂寥虛且真逸想流巖阿朦朧望
幽人慨矣玄風濟皎皎離染純時無問道者行
歌將何因靈溪眇驚浪四岳稀埃塵余將遊其
嶠解駕輟飛輪芳泉代甘醴山果兼時珍脩林
暢輕跡石宇庇微身崇虛習本照損無歸昔神
曖曖煩情故零零沖氣新近非域中客遠非世
外臣憺怕無爲德孤哉自有隣

坤基葩簡秀乾光流易穎神理速不疾道會無
陵騁超超介石人握玄攬機領余生一何散分
不諮天挺沈無冥到韻變不揚蔚炳冉冉年往
遂悠悠化期永翹首希玄津想登故未正生途
雖十三日已造死境願得無身道高栖沖默靖

述懷詩二首

翔鸞鳴崑嶸逸志騰冥虛惚恍廻靈翰息肩棲
南嶠濯足戲流瀾採練銜神蔬高吟漱芳醴頡
頰登神梧蕭蕭倚明翮眇眇育清軀長想玄運
夷傾首俟靈符河清誠可期戢翼令人劬
總角敦大道弱冠弄雙玄逡巡釋長羅高步尋
帝先妙損階玄老忘懷浪濠川達觀無不可吹
累皆自然窮理增靈薪昭昭神火傳熙怡安沖
漠優游樂靜閒膏腴無爽味純變非雅絃恢心
委形度疊疊隨化遷

詠利城山居

五嶽盤神基四瀆涌查津動求目山智默守標
靜仁苟不宴出處託好有常因尋元存終古洞
徃想逸民玉潔箕巖下金聲瀨沂濱捲華藏紛
霧振褐拂埃塵跡從尺蠖屈道與騰龍伸峻無
單豹伐分非首陽真長嘯歸林嶺瀟灑任陶鈞

惠遠

雁門樓煩人
本姓賈氏

廬山東林雜詩

崇巖吐清氣幽岫棲神跡希聲奏羣籟響出山

溜滴有客獨冥遊徑然忘所適揮手撫雲門靈
關安足闢流心叩玄扃感至理弗隔孰是騰九
霄不奮冲天翮妙同趣自均一悟超三益

報羅什偈一首

本端竟何從起滅有無際一微涉動境成此類
山勢惑相更相乘觸理自生滯因緣雖無主開
途非一世時無悟宗匠誰謂握玄契末問尚悠
悠相與期暮歲

廬山諸道人

遊石門詩

并序

諸道人作

石門在精舍南十餘里一名障山基連大嶺
體絕衆阜關三泉之會企立而開流傾巖玄
映其上蒙形表于自然故因以爲名此雖廬
山之一隅實斯地之奇觀皆傳之于舊俗而
未覩者衆將由懸瀨險峻人獸迹絕逕迴曲
阜路阻行難故罕經焉釋法師以隆安四年
仲春之月因詠山水遂振錫而遊于時交徒
同趣三十餘人咸拂衣晨征悵然增興雖林

壑幽邃而開塗競進雖乘危履石並以所悅
爲安旣至則援木尋葛歷險窮崖猿臂相引
僅乃造極于是擁勝倚巖詳觀其下始知七
嶺之美蘊奇于此雙闕對峙其前重巖映帶
其後巒阜周迴以爲障崇巖四營而開宇其
中則有石臺石池宮館之象觸類之形致可
樂也清泉分流而合注淥淵鏡淨于天池文
石發彩煥若披面檉松芳草蔚然光日其爲
神麗亦已備矣斯日也衆情奔悅矚覽無厭

遊觀未久而天氣屢變巖霧塵集則萬象隱
形流光迴照則衆山倒影開闔之際狀有靈
焉而不可測也乃其將登則翔禽拂翮鳴猿
厲響歸雲迴駕想羽人之來儀哀聲相和若
玄音之有寄雖髣髴猶聞而神以之暢雖樂
不期歡而欣以永日當其冲豫自得信有味
焉而未易言也退而尋之夫巖谷之間會物
無主應不以情而開興引人致深若此豈不
以虛明朗其照閒邃篤其情耶並三復斯談

歷代詩選 晉詩
猶昧然未盡俄而太陽告夕所存已往乃悟
幽人之玄覽達恒物之大情其爲神趣豈山
水而已哉于是徘徊崇嶺流目四矚九江如
帶丘阜成垤因此而推形有巨細智亦宜然
迺喟然歎宇宙雖遐古今一契靈鷲邈矣荒
途日隔不有哲人風跡誰存應深悟遠慨焉
長懷各欣一遇之同歡感良辰之難再情發
于中途共詠之云爾

超典非有本理感典自生忽聞石門遊奇唱發

幽情褰裳思雲駕望崖想會城馳步乘長巖不
覺質有輕矯首登靈闕眇若凌太清端坐運虛
論轉彼玄中經神仙同物化未若兩俱冥

帛道猷

本姓馮
山陰人

陵峰採藥觸典爲詩

連峰數千里脩林帶平津雲過遠山翳風至梗
荒榛茅茨隱不見雞鳴知有人閒步踐其徑處
處見遺薪始知百代下故有上皇民

謝道韞

王凝之之妻安西
將軍奕之女也

登山

峩峩東嶽高秀極冲青天巖中間虛宇寂寞幽
以玄非工復非匠雲構發自然氣象爾何物遂
令我屢遷逝將宅斯宇可以盡天年

擬嵇中散詠松

遙望山上松隆冬不能凋願想遊下憇瞻彼萬
仞條騰躍未能升頓足俟王喬時哉不我與大
運寧飄颻

桃葉 王獻之妾

答團扇歌三首

七寶畫團扇粲爛明月光與郎却暄暑相憶莫
相忘

青青林中竹可作白團扇動搖郎玉手因風託
方便

團扇復團扇持許自障面憔悴無復理羞與郎
相見

獨漉篇 無名氏

獨漉獨漉水深泥濁泥濁尚可水深殺我雍雍

雁行詩選 晉詩
雙雁遊戲田畔我欲射雁念子孤散翩翩浮萍
得風搖輕我心何合與之同并空牀低帷誰知
無人夜衣錦繡誰別僞真刀鳴箭中倚牀無施
父冤不報欲活何爲猛猛斑斑遊戲山間虎欲
嚙人不避豪賢

晉白紵舞歌詩

輕軀徐起何洋洋高舉兩手白鵠翔宛若龍轉
乍低昂凝停善睐容儀光如推若引留且行隨
世而變誠無方舞以盡神安可忘晉世方昌樂

未央質如輕雲色如銀愛之遺誰贈佳人制以
爲袍餘作巾袍以光軀巾拂塵麗服在御會佳
賓醪醴盈樽美且淳清歌徐舞降祇神四座歡
樂胡可陳

雙袂齊舉鸞鳳翔羅袞飄颻昭儀光趨步生姿
進流芳鳴絃清歌及三陽人生世間如電過樂
時每少苦日多幸及良辰耀春華齊倡獻舞趙
女歌羲和馳景逝不停春露未晞嚴霜零百草
凋索花落英蟋蟀吟牖寒蟬鳴百年之命忽若

歷代詩選
晉詩
傾早知迅速秉燭行東造扶桑遊紫庭西至崑
崙戲會城

吳聲歌曲

子夜歌

始欲識郎時兩心望如一理絲入殘機何悟不
成匹

前絲斷纏綿意欲結交情春蠶易感化絲子已
復生

郎為傍人取負儂非一事攤門不安橫無復相

關意

我念歡的的子行由豫情霧露隱芙蓉見蓮不

分明

昔別雁集渚今還燕巢梁敢辭歲月久但使逢

春陽

雜曲歌辭

西洲曲

憶梅下西洲折梅寄江北單衫杏子紅雙鬢鴉
雛色西洲在何處兩漿橋頭渡日暮伯勞飛風

歷代詩選
晉詩
吹烏臼樹樹下卽門前門中露翠鈿開門卽不
至出門採紅蓮採蓮南塘秋蓮花過人頭低頭
弄蓮子蓮子青如水置蓮懷袖中蓮心徹底紅
憶卽卽不至仰首望飛鴻鴻飛滿西洲望卽上
青樓樓高望不見盡日欄干頭欄干十二曲垂
手明如玉卷簾天自高海水搖空綠海水夢悠
悠君愁我亦愁南風知我意吹夢到西洲

東飛伯勞歌

東飛伯勞西飛燕黃姑織女時相見誰家兒女

對門居闔顏發豔照里閭南窗北牖桂月光羅
帷綺帳脂粉香女兒年幾十五六窈窕無雙顏
如玉三春已暮花從風空留可憐誰與同

樂辭

繡幙圍風香耳節朱絲桐不知理何事淺立經
營中愛惜加窮袴妨閑託守宮今日牛羊上丘
隴當年近前面發紅

休洗紅二首

休洗紅洗多紅色淡不惜故縫衣記得初按茜

歷代詩選
人壽百年能幾何後來新婦今爲婆
休洗紅洗多紅在水新紅裁作衣舊紅番作裏
迴黃轉綠無定期世事返復君所知

襄陽兒童歌

山公出何許往至高陽池日夕倒載歸酩酊無
所知時時能騎馬倒着白接籬舉鞭向葛疆何
如并州兒

武陵人歌

黃閣武陵記曰有綠蘿山側巖垂水懸蘿百

石里許得明月池碧潭鏡澈百尺見底素巖若
雪松如插翠流風叩柯有絲桐之韻土人爲
之歌曰

仰茲山兮迢迢層石構兮嵯峨朝日麗兮陽巖
落景梁兮陰阿輦壑兮生音吟籟兮相和敷芳
兮綠林恬淡兮潤波樂茲潭兮安流緩爾權兮
詠歌

石倉十二代詩選

古卷之四 終

令絲林甜苑令斷如樂茲戰令安流懸爾對令
蒼景采令劍回暉望令主音令謙令味味姨氏
叫茲山令豈豈曾可懌令勤勤博日飄令則嶽

文煇曰

雲林吹軒翠流風中林育絲麻之歸土入
里菁野即且斷豐戰勤嶽百只良功素氣若

石倉十二代詩選

古卷之五

宋詩

明候官曹學佺閱

文帝

諱義隆武帝第二子

登景陽樓

崇堂臨萬雉層樓跨九成瑤軒籠翠幌組幙翳
雲屏階上曉露潔林下夕風清蔓藻嬾綠葉芳
蘭媚紫莖極望周天險留察浹神京交渠紛綺
錯列植發華英

北伐

歷代詩選 宋詩
季文鑒禍先辛生識機始崇眷非無徵興廢要
有以自昔淪中畿倏焉盈百祀不覩南雲陰但
見胡塵起亂極治方形塗泰由積否方欲除遺
氛矧乃穢邊鄙眷言悼斯民納隍良在已逝將
振宏綱一麾同文軌

孝武帝

諱俊字休龍
文帝第三子

丁督護歌

聞歡去北征相送直瀆浦只有淚可出無復情
可吐

督護初征時儂亦惡聞許願作石尤風四面斷
行旅

自君之出矣

自君之出矣金翠闇無精思君如日月回還晝
夜生

遊覆舟山

束髮好怡衍弱冠頗流薄素想終勿傾聿來果
丘壑層峰亘天維曠渚綿地絡逢臯列神苑遭
壇樹仙閣松塏含青暉荷源煜彤爍川界泳遊

巖庭響鳴鶴

登作樂山

路軫孤轡竦石頓飛轅遂登千尋首表裏望
平原屯煙擾風穴積水溺雲根漢潦吐新波楚
山帶舊苑壤草凌故國拱木秀頽垣日極情無
留客思空已繁

登魯山

帆憩通渚息徒憑椒丘粵值風景和升高從
遠眸紀郢窮西路湘夢極南流杳哉漢陰水浩

江界修

濟曲阿後湖

登毗陵路旦過雲陽郭平湖曠津濟菰渚迭
蕪和風翼歸采夕氛晦山嶠驚瀾翻魚藻頽
照桑榆

與廬陵王紹別

歲矜離心今茲幸良集信宿窮晨暮開顏披
戢未盡歡娛懷已傷岐路及舳艫引江介飛
背京邑悄擾徒旅戒團欒流景入遲遲分手

念泫泫登路泣

拜衡陽文王義季墓

昧旦憑行軾濡露及山庭投步矜履路舉日增
淒清輶路滅歸軫淪闔負重肩深松朝已霧幽
隧晏未明長楊敷晚素宿草披初青哀往起沈
泉追愛慟中情竹帛憑季遠世範隨代傾

七夕

白日傾晚照弦月升初光炫炫葉露滿蕭蕭庭
風揚瞻言媚天漢幽期濟河梁服箱從奔輶純

綺闕成章解帶遽迴軫誰云秋夜長愛聚雙情
款念離兩心傷

初秋

夏盡炎氣微火息涼風生綠草未傾色白露已
盈庭遠視秋雲發近聽寒蟬鳴運移矜物化川
上感餘情

秋夜

局景薄西隅升月照東垂蕭蕭風盈幕泫泫露
傾枝側聞飛壺急坐見河宿移觀辰念節變感

物於乖離

江夏王義恭

武帝桓美人所生也

豔歌行

江南遊湘妃窈窕漢濱女淑問流古今蘭音媚
鄭楚瑤顏映長川善服照通滸求思望襄溼嘆
息對衡渚中情未相感搔首增企予悲鴻失良
匹俯仰戀儔侶徘徊忘寢食羽翼不能舉領首
作春鷺為我津辭語

遊子移

三河遊蕩子麗顏邁荆寶攜持玉柱等懷挾志
憂草綢繆甘泉中馳逐邯鄲道春服候時製秋
紈迎涼造珍魄暉素腕玉迹滿襟袍常嘆樂日
晏恒悲歡不早揮吹傳舊美趨謠盡新好仲尼
為輟餐秦王足傾倒

自君之出矣

自君之出矣笥錦廢不開思君如清風曉夜常
徘徊

登景陽樓

丹墀設金屏瑤榭陳玉牀溫宮冬開燠清殿夏
含霜弱藻布遐馥輕葉振遠芳彌望少無際肆
睇周華疆象闕對馳道飛廉矚方塘邸寺送暉
曜槐柳自成行通川溢輕艦長街盈方箱顧此
爝火微胡顏厠天光

彭城戲馬臺集

騁鶩辭南京弭節憇東楚懿蕃重遐望興言集
僚侶于役未云淹時遷變溽暑眷戀江水流迴
首獨延佇

南平王鑠

字林玄文
帝第四子

三婦豔詩

大婦裁霧縠中婦牒冰練小婦端清景含歌登
玉殿丈人且徘徊臨風傷流霰

擬行行重行行

耿耿陵長道遙遙行遠之迴車背京里揮手從
此辭堂上流塵生庭中綠草滋寒蠶翔水曲秋
兔依山基芳季有華月佳人無還期日夕涼風
起對酒長相思悲發江南調憂委子衿詩臥覺

歷代詩選 卷之五
明燈晦坐見輕紈緇淚容不可飾幽鏡難復治
願垂薄暮景照妾桑榆時

擬明月何皎皎

落宿半遙城浮雲藹層闕玉宇來清風羅帳延
秋月結思想伊人沈憂懷明發誰爲容行久屢
見流芳歇

代收淚就長路

聳轡高陵曲揮袂廣川濱黃塵昏白日悲風起
浮雲蕭條萬里別契濶三秋分時往從朝露奉

來驚夕氲徘徊去芳節依遲從遠軍

過歷山湛長史草堂

茲嶽蘊虛詭憑覽趣亦贍九峰相接連五渚逆
縈浸層阿疲且引絕巖暢方禁溜衆夏更寒林
交晝當蔭伊余久淄涅復得味恬淡願逐安期
止於焉愜高枕

秋歌

昊天清且高秋氣發初涼白露下微津明月流
素光凝煙汎城闕淒風入軒房朱華先零落綠

歷代詩選 宋詩 七
草就芸黃織羅還笥篋輕紉改衣裳

何承天

東海
郟人

芳樹篇

芳樹生北庭豐隆正徘徊翠穎陵冬秀紅葩迎春開
佳人閒幽室惠心婉以諧蘭房掩綺幌綠草被長階
日夕遊雲際歸禽命同棲皓月盈素景涼風拂中閨
哀絃理虛堂要妙清且淒嘯歌流激楚傷此碩人懷
梁塵集丹帷微颺揚羅袿豈怨嘉時暮徒惜良願乖

顏延之

字延季琅邪臨沂人

車駕幸京口侍遊蒜山作

元天高北列日觀臨東溟入河起陽峽踐華因削成
巖險去漢宇襟衛徙吳京流池自化造山關固神營
園縣極方望邑社總地靈宅道炳星緯誕曜應辰明
睿思纏故里巡駕市舊壘陟峰騰輦路尋雲抗瑤薨
春江壯風濤蘭野茂萸英宣遊弘下濟窮遠凝聖情
嶽濱有和會祥習在卜征周南悲昔老留滯感遺珉
空食疲廊肆反

歷代詩選 宋詩
稅事巖耕

夏夜呈從兄散騎車長沙

炎天方埃鬱暑晏閑塵紛獨靜闕偶坐臨堂對
星分側聽風薄木遙睇月開雲夜蟬當夏急陰
蟲先秋聞歲候初過半荃蕙豈久芬屏居惻物
變慕類抱情殷九逝非空思七襄無成文

和謝監靈運

弱植慕端操窘步懼先迷寡立非擇方刻意藉
窮棲伊昔邁多幸秉筆侍兩閨雖慙丹牖施未

謂玄素朕徒遭良時詖王道奄昏霾人神幽明
絕朋好雲雨乖弔屈汀洲浦謁帝蒼山蹊倚巖
聽緒風攀林結留黃跂予問衡嶠曷月瞻泰稽
皇聖昭天德豐澤振沈泥惜無雀雉化何用克
海淮去國還故里幽門樹蓬藜采芡葺昔宇翦
棘開舊畦物謝時旣晏本往志不偕親仁敷情
昵興玩寃辭悽芬馥歇蘭若清越奪琳珪盡言
非報章聊用布所懷

北使洛

改服飭徒旅首路踟險艱振楫發吳洲秣馬陵
楚山塗出梁宋郊道由周鄭間前登陽城路日
夕望山川在昔輟期運經始闢聖賢伊澱絕津
濟臺館無尺椽宮陛多巢穴城闕生雲煙王猷
升八表嗟行方暮季陰風振涼野飛雲翳窮天
臨塗未及引置酒慘無言隱憫徒御悲威遲良
馬煩遊役去芳時歸來屢徂譽逢心旣已矣飛
薄殊亦然

還至梁城作

眇默軌路長憔悴征戍勤昔邁先祖師今來後
歸軍振策睠東路傾側不及羣息徒顧將夕極
望梁陳分故國多喬木空城凝寒雲丘隴填郭
郭銘誌滅無文木石扃幽闈黍苗延高墳惟彼
雍門子吁嗟孟嘗君愚賤同堙滅尊貴誰獨聞
曷爲久游客憂念坐自殷

始安郡還都與張湘州登巴陵城樓作

江漢分楚望衡巫奠南服三湘淪洞庭七澤藹
荆牧經塗延舊軌登闔訪川陸水國周地險河

歷代詩選
山信重複却倚雲夢林前瞻京臺園清雰霽岳
陽曾暉薄瀾澳悽矣自遠風傷哉千里日萬古
陳往還百代勞起伏存沒竟何氏炯介在明淑
請從上世人歸來藝桑竹

秋胡詩九首

椅梧傾高鳳寒谷待鳴律影響豈不懷自遠每
相匹婉彼幽閒女作嬪君子室峻節貫秋霜明
艷侔朝日嘉運旣我從欣願自此畢
燕居未及好良人顧有違脫巾千里外結綬登

王畿戒徒在昧旦左右來相依驅車出郊郭行
路正威遲存爲久離別沒爲長不歸

嗟余怨行役三陟窮晨暮嚴駕越風寒解鞍犯
霜露原隰多悲涼迴飈卷高樹離獸起荒蹊驚
鳥縱橫去悲哉遊宦子勞此山川路

超搖行人遠宛轉奉運徂良時爲此別日月方
向除孰知寒暑積僂俛見榮枯歲暮臨空房涼
風起坐隅寢興日已寒白露生庭蕪

勤役從歸願反路遵山河昔辭秋未素今也歲

載華蠶月歡時暇桑野多經過佳人從所務窈
窕援高柯傾城誰不顧弭節停中阿

奉往誠思勞路遠闊音形雖爲五載別相與昧
平生捨車遵往路鳧藻馳目成南金豈不重聊
自意所輕義心多苦調密比金玉聲

高節難久淹竭來空復辭遲遲前途盡依依造
門基上堂拜嘉慶入室問何之日暮行來歸物
色桑榆時美人望昏至慙嘆前相持

有懷誰能已聊用申苦難離居殊季載一別阻

河關春來無時豫秋至恒早寒明發動愁心閨
中起長嘆慘悽歲方晏日落遊子顏

高張生絕弦聲急由調起自昔在光塵結言固
終始如何久爲別百行誓諾已君子失明義誰
與偕沒齒愧彼行露詩甘之長川汜

五君詠五首

阮步兵

阮公雖淪跡識密鑿亦洞沈醉似埋照寓辭類
託諷長嘯若懷人越禮自驚衆物故不可論途

窮能無慟

嵇中散

中散不偶世本自餐霞人形解驗默仙吐論知
凝神立俗迕流議尋山洽隱淪鸞翮有時鍛龍
性誰能馴

劉參軍

劉伶善閉關懷情滅聞見鼓鐘不足歡榮色豈
能眩韜精日沈飲誰知非荒宴頌酒雖短章深
衷自此見

阮始平

仲容青雲器實稟生民秀達音何用深識微在
金奏郭奕已心醉山公非虛覲屢薦不入官一
麾乃出守

向常侍

向秀甘淡薄深心託毫素探道好淵玄觀書鄙
章句交呂既鴻軒攀嵇亦鳳舉流連河裏遊惻
愴山陽賦

為織女贈牽牛

歷代詩選
少言
婺女儷經星姮娥棲飛月慙無二媛靈託身侍
天闕閭闔殊未暉咸池豈沐髮漢陰不夕張長
河爲誰越雖有促讌期方須涼風發虛計雙曜
周空遲三星沒非怨杼軸勞但念芳菲歇

歸鴻

昧旦濡和風霑露踐朝暉萬有皆同春鴻雁獨
辭歸相鳴去澗汜長引發江畿皦潔登雲侶連
綿千里飛長懷河朔路緬與湘漢違

辭難潮溝

徘徊眷郊甸俛仰引單襟一塗不苟豫百慮畢
來侵永懷交在昔有願誓瑟琴寫言勞者事將
用慰亡簪

謝莊

字希逸弘微之子

和元日雪花應詔

從候昭神世息燧應頌道玄化盡天秘凝功畢
地寶笙鑪流七始玉息承三造委霰下璇蕤疊
雪翻瓊藻積曙境寓明聯夢千里杲掩映順雲
懸搖喬從風掃發貺燭任前騰瑞光圖表澤厚

見身未恩踰悟生眇竦誠岱駕肅側志梁鑿矯
七夕夜詠牛女應制

輟機起春暮停箱動秋衿璇居照漢右芝駕肅
河陰容裔泛星道逶迤濟燿潯陸離迎宵佩倏
爍望昏簪俱領環氣怨共歇浹奉心珠殿缸未
沫瑤庭路已深夕清豈淹拂茲輝無久臨

遊豫章西觀洪崖井

幽願平生積野好歲月彌捨簪神區外整褐靈
鄉垂林遠炎天隔山深白日虧游陰騰鵠嶺飛

清起鳳池隱愛松霞被容與澗煙移將遂丘中
性結駕終在斯

自潯陽至都集道里名爲詩

山經亟旋覽水牒劾敷尋稽榭誠淹留煙臺信
遐臨翔州凝寒氣秋浦結清陰眇眇高湖曠遙
遙南陵深青溪如委黛黃沙似舒金觀道雷池
側訪德茅堂陰魯顯闕微迹秦良滅芳音訊遠
博望崖採賦梁山岑崇館非陳宇茂苑豈舊林

北宅祕園

夕天霽晚氣輕霞澄暮陰微風清幽幌餘日照
青林收光漸窗歇窮園自荒深綠池翻素景秋
槐響寒音伊人儻同愛絃酒共棲尋

懷園引

鴻飛從萬里飛飛河岱起辛勤越霜霧聯翩遡
江汜去舊國違舊鄉舊海悠且長迴首瞻東路
延翮向秋方登楚都入楚關楚地蕭瑟楚山寒
歲去冰未已春來雁不還風蕭幌兮露濡庭漢
木初綠柳葉青朱光靄靄雲英英離禽啾啾又

晨鳴菊有秀兮松有蕤憂來年去容髮衰流陰
逝景不可追臨堂危坐悵欲悲試託意向芳蓀
心綿綿兮屬荒樊想綠蘋兮旣冒沼念幽蘭兮
已盈園天桃晨暮發春鶯旦夕喧青苔蕪石路
宿草塵蓬門

山夜憂

庭光盡山明歸流風乘軒卷明月緣河飛澗鳥
鳴今夜蟬清榻露靡兮蕙煙輕凌別浦兮值泉
躍經喬木兮遇援驚南臯別鶴行佇漢東隣孤

管入青天沈疴白髮共急日朝露過隙詎賒年
年既去兮髮不還金膏玉液豈留顏廻舫拓繩
戶收棹掩荆關

謝靈運

陳郡陽夏人

長歌行

倏爍夕星流昱奕朝露團粲粲烏有停泫泫豈
甞安徂齡速飛電頽節鶩鶩湍覽物起悲緒顧
已識憂端朽貌改鮮色悴容變柔顏疊疊衰期
迫靡靡壯志闌旣慙臧孫慨復愧楊子嘆寸陰

果有逝尺素竟無觀幸賒道念戚且取長歌歡

折楊柳行二首

鬱鬱河邊樹青青野田草舍我故鄉客將適萬
里道妻妾牽衣衿泣沾懷抱還拊幼童子顧
托兄與嫂辭訣未及終嚴駕一何早負笻引文
舟饑渴常不飽誰令爾貧賤咨嗟何所道

騷屑出穴風揮霍見日雪颼颼無久搖皎皎幾
時潔未覺泮春冰已復謝秋節空對尺素遷獨
視寸陰滅否桑未易繫泰茅難重拔桑茅迭生

運語默寄前哲

君子有所思行

總駕越鍾陵還顧望京畿躑躅周名都遊目倦
忘歸市鄜無阨室世族有高闈密親麗華苑軒
甍飭通達孰是金張樂諒由燕趙詩長夜恣酣
飲窮年弄音徽盛往速露墜衰來疾風飛飲生
不歡娛何以竟暮歸寂寥曲肱子瓢飲療朝饑
所秉自天性貧富豈相譏

燕歌行

孟冬初寒節氣成悲風入閨霜依庭秋蟬噪柳
燕辭楹念君行役怨邊城君何崎嶇久徂征豈
無膏沐感鸛鳴對君不樂淚沾纓闕窗開幌弄
秦箏調絃促柱多哀聲遙夜明月鑿帷屏誰知
河漢淺且清展轉思服悲明星

永初三年七月十六日之郡初發都

述職期闌暑理棹變金素秋岬澄夕陰火旻團
朝露辛苦誰爲情遊子值頽暮愛似莊念昔久
敬魯存故如何懷土心持此謝遠度李牧愧長

歷代詩選
宋詩
袖卻克慙躡步良時不見遺醜狀不成惡日余
亦支離依方早有慕生幸休明世親蒙英達顧
空班趙氏璧徒乖魏王瓠從來漸二紀始得傍
歸路將窮山海迹永絕賞心悟

隣里相送至方山

祇役出皇邑相期憇甌越解纜及流潮懷舊不
能發析析就衰林皎皎明秋月含情易爲盈遇
物難可歇積疴謝生慮寡慾罕所闕資此永幽
棲豈伊年歲別各勉日新志音塵慰寂蔑

來合過始寧墅

束髮懷耿介逐物遂推遷違志似如昨二紀及
茲年緇磷謝清曠疲繭慙貞堅拙疾相倚薄還
得靜者便剖竹守滄海枉帆過舊山山行窮登
頓水涉盡洄泐巖峭嶺稠疊洲縈渚連綿白雲
抱幽石綠篠媚清漣葺宇臨迴江築觀基曾巔
揮手告鄉曲二載期歸旋且爲樹枌檟無令孤
願言

七里瀨

羈心積秋晨晨積展遊眺孤客傷逝湍徒旅苦
奔峭石淺水潺湲日落山照曜荒林紛沃若哀
禽相叫嘯遭物悼遷斥存期得要妙旣秉上皇
心豈屑末代誚目覩嚴子瀨想屬任公釣誰謂
古今殊異代可同調

晚出西射堂

步出西掖門遙望城西岑連障疊巘嶢青翠杳
深沈曉霜楓葉丹夕曛嵐氣陰節往感不淺感
來念已深羈雌戀舊侶迷鳥懷故林含情尚勞

愛如何離賞心撫鏡華緇鬢攬帶緩促衿安排
徒空言幽獨賴鳴琴

登池上樓

潛虬媚幽姿飛鴻響遠音薄霄愧雲浮棲川作
淵沈進德智所拙退耕力不任徇祿反窮海臥
疴對空林衾枕昧節候寒開暫窺臨傾耳聆波
瀾舉目眺嶇嶽初景革緒風新陽改故陰池塘
生春草園柳變鳴禽祁祁傷幽歌萋萋感楚吟
索居易永久離羣難處心持操豈獨古無悶徵

在今

遊南亭

時竟夕澄霽雲歸日西馳密林含餘清遠峰隱
半規从痲昏墊苦旅館眺郊岐澤蘭漸被徑芙
蓉始發池未厭青春好已觀朱明移戚戚感物
嘆星星白髮垂藥餌情所止衰疾忽在斯逝將
候秋水息景偃舊崖我志誰與亮賞心惟良知

遊赤石進帆海

首夏猶清和芳草亦未歇水宿淹晨暮陰霞屢

興沒周覽倦瀛壖况乃凌窮髮川后時安流天
吳靜不發揚帆採石華掛席拾海月溟漲無端
倪虛舟有超越仲連輕齊組子牟眷魏闕矜名
道不足適已物可忽請附任公言終然謝天伐

登江中孤嶼

江南倦歷覽江北曠周旋懷新道轉迴尋異景
不延亂流趨正絕孤嶼媚中川雲日相輝映空
水共澄鮮表靈物莫賞蘊真誰為傳想像崑山
姿緬邈區中緣始信安期術得盡養生季

登永嘉綠嶂山詩

裹糧杖輕策懷遲上幽室行源逕轉遠距陸情
未畢澹漱結寒姿團欒澗霜質澗委水屢迷林
迴巖逾密眷西謂初月顧東疑落日踐夕奄昏
曙蔽翳皆周悉蠱上貴不事履二美貞吉幽人
常坦步高尚邈難匹願阿竟何端寂寂寄抱一
恬如既已交繕性自此出

郡東山望溟海詩

開春獻初歲白日出悠悠蕩志將愉樂瞰海庶

忘憂策馬步蘭臯縹空息椒丘采蕙遵大薄蹇
若履長洲白花縞陽林紫藟擘春流非徒不弭
忘覽物情彌適萱蘇始無慰寂寞終可求

石室山詩

清旦索幽異放舟越垌郊萋萋蘭渚急藐藐苔
嶺高石室冠林陬飛泉發山椒虛泛徑千載崢
嶸非一朝鄉村絕聞見樵蘇限風霽微戎無遠
覽總筭羨升喬靈域久韜隱如與心賞交合歡
不容言摘芳弄寒條

歷代詩選
齊中讀書

昔途遊京華未嘗廢丘壑矧乃歸山川心跡雙
寂寞虛館絕諍訟空庭來鳥雀臥疾豐暇豫翰
墨時閒作懷抱觀古今寢食展戲謔旣笑沮溺
苦又哂子雲閣執戟亦以疲耕稼豈云樂萬事
難並歡達生幸可託

種桑詩

詩人陳條柯亦有美攘剔前修爲誰故後事資
紡績常佩知方誠愧微富教益浮陽鶩嘉月藝

桑迨閒隙踈欄發近郭長行達廣場曠流始恣
泉洄塗猶跬跡俾此將長成慰我海外役

石壁精舍還湖中作

昏旦變氣候山水含清暉清暉能娛人遊子憺
忘歸出谷日尚早入舟陽已微林壑歛暝色雲
霞收夕霏芰荷迭映蔚蒲稗相因依披拂趨南
逕淪悅偃東扉慮澹物自輕意愜理無違寄言
攝生客試用此道推

登石門最高頂

晨策尋絕壁夕息在山棲
疏峰抗高館對嶺臨
迴溪長林羅戶穴積石
擁階基連巖覺路塞密
竹使徑迷來人忘新術
去子惑故蹊活活夕流
駛噉噉夜猿啼沈冥豈
別理守道自不攜心契
九秋翰目翫三春蕙居
常以待終處順故安排
惜無同懷客共登青雲
梯

從斤竹澗越嶺溪行

猿鳴誠知曙谷幽光未
顯巖下雲方合花上露
猶泫透迤傍隍隩迢遞
陟陁峴過澗旣厲急登

棧亦陵緬川渚屢徑復
乘流翫迴轉蘋萍泛沈
深菰蒲冒清淺企石挹
飛泉攀林摘葉卷想見
山阿人薜蘿若在眼握
蘭勤徒結折麻心莫展
情用賞爲美事味竟誰
辯觀此遺物慮一悟得
所遣

過白岬亭詩

拂衣遵沙垣緩步入蓬
屋近澗涓密石遠山映
疎木空翠難強名漁釣
易爲曲援蘿聆青崖春
心自相屬交交止栩黃
呦呦食萍鹿傷彼人百

歷代詩選
宋詩
哀嘉爾承筐樂榮悴迭去來窮通成休慼未若
長踈散萬事恒抱朴

夜宿石門詩

朝寒苑中蘭畏彼霜下歇暝還雲際宿弄此石
上月鳥鳴識夜棲木落知風發異音同至聽殊
響俱清越妙物莫爲賞芳醕誰與伐美人竟不
來陽阿徒晞髮

南樓中望所遲客

杳杳日西頽漫漫長路迫登樓爲誰思臨江遲

來客與我別所期期在三五夕圓景早已滿佳
人殊未適卽事怨睽攜感物方悽感孟夏非長
夜晦明如歲隔瑤華未堪折蘭苕已屢摘路阻
莫贈問云何慰離析搔首訪行人引領冀良覲
酬從弟惠連五首

寢瘵謝人徒滅跡入雲峰巖壑寓耳目歡愛隔
音容永絕賞心望長懷莫與同末路值令弟開
顏披心胸

心胸旣云披意得咸在斯凌澗尋我室散帙問

歷代詩選
所知夕慮曉月流朝忌曛日馳悟對無厭歇聚
散成分離

分離別西川迴景歸東山別時悲已甚別後情
更延傾想遲嘉音果枉濟江篇辛勤風波事款
曲洲渚言

洲渚旣淹時風波子行遲務協華京想詎存空
谷期猶復惠來章祇足攬余思儻若果歸言共
陶暮春時

暮春雖未交仲春善遊遨山桃發紅萼野蕨漸
紫苞嚶鳴已悅豫幽居猶鬱陶夢寐佇歸舟釋
我吝與勞

登臨海嶠初發疆中作與從弟惠連可見

羊何共和之

杪秋尋遠山山遠行不近與子別山阿含酸赴
修畛中流袂就判欲去情不忍顧望脰未愴汀
曲舟已隱

隱汀絕望舟驚棹逐驚流欲抑一生歡并奔千
里遊日落當棲薄繫纜臨江樓豈惟夕情歛憶

爾共淹留

淹留昔時歡復增今日嘆茲情已分慮况乃協
悲端秋泉鳴北澗哀猿響南蠻戚戚新別心悽
悽久念攢
攢念攻別心旦發清溪陰暝投剡中宿明登天
姥岑高高入雲霓還期那可尋儻遇浮丘公長
絕子徽音

道路憶山中

采菱調易急江南歌不緩楚人心昔絕越客腸

今斷斷絕雖殊念俱爲歸慮款存鄉爾思積憶
山我憤懣追尋栖息時偃臥任縱誕得性非外
求自己爲誰纂不怨秋夕長常苦夏日短濯流
激浮湍息陰倚密竿懷故叵新歡含悲忘春暖
悽悽明月吹惻惻廣陵散殷勤訴危柱慷慨命
促管

入彭蠡湖口

客遊倦水宿風潮難具論洲島驟迴合圻岬屢
崩奔乘月聽哀猿泥露馥芳蓀春晚綠野秀巖

高白雲屯千念集日夜萬感盈朝昏攀崖照石
鏡牽葉入松門三江事多往九派理空存靈物
去珍恠異人秘精魂金膏滅明光水碧綴流温
徒作千里曲絃絕念彌敦

入華子岡是麻源第三谷

南州實炎德桂樹陵寒山銅陵映碧澗石磴瀉
紅泉既枉隱淪客亦棲肥道賢險徑無測度天
路非術阡遂登羣峰首邈若升雲煙羽人絕髣
髴丹丘徒空筌圖牒復磨滅碑版誰聞傳莫辯
百代後安知千載前且申獨往意乘月弄潺湲
恒克俄頃用豈爲古今然

初往新安桐廬口

締絡雖淒其授衣尚未至感節良已深懷古亦
云思不有千里棹孰申百代意遠協尚子心遙
得許生計既及冷風善又卽秋水駛江山共開
曠雲日相照媚景夕羣物清對玩閒可熹

東陽溪中贈答二首

可憐誰家婦緣流洒素足明月在雲間迢迢不

可得
可憐誰家郎
綠流乘素舸
但問情若為
月就雲

中墮

何偃 字仲弘 廬江人

云思冉冉孤生竹

流萍依清源
孤鳥宿深沚
蔭幹相經營
風波能
終始草生有
日月婚奉行
及紀思欲侍
衣裳關
山分萬里
徒作春夏期
空望良人軌
芳色宿昔
事誰見過
時美涼鳥臨
秋竟歡願亦
云已豈意

倚君恩坐守零落耳

湯惠休 字茂遠初入 沙門名惠休

怨詩行

明月照高樓
含君千里光
巷中情思滿
斷絕孤
妾腸悲風盪
帷帳瑤翠坐
自傷妾心依
天末思
與浮雲長嘯
歌視秋草幽
葉豈再揚
暮蘭不待
歲離華能幾
芳願作張女
引流悲繞君
堂君堂
嚴且秘絕調
徒飛揚

江南思

幽客海陰路留戍淮陽津垂情向春草知是故鄉人

楊花曲二首

歲蕤華結情宛轉風含思掩涕守春心折蘭還自遺
江南相思引多嘆不成音黃鶴西北去銜我千里心

白紵歌

琴瑟未調心已悲任羅勝綺彊自持忍思一舞

望所思將轉未轉恒如疑桃花水上春風出舞袖
逶迤鸞照日徘徊鶴轉情艷逸君爲迎歌心如一

秋風

秋風嫋嫋入曲房羅帳含月思心傷蟋蟀夜鳴
斷人腸長夜思君心飛揚他人相思君相忘錦衾
瑤席爲誰芳

楚明妃曲

瓊臺彩楹桂寢雕甍金閨流耀玉牖含英香芬

歷代詩選
幽藹珠彩珍榮文羅秋翠純綺春輕驟駕鸞鶴
往來仙靈含姿締視微笑相迎結蘭枝送日成
當奉爲君榮

贈鮑侍郎

玳枝分金英綠葉分金莖不入君玉杯低彩還
自榮想君不相艷酒上視塵生當令芳意重無
使盛年傾

伍緝之

勞歌二首

幼童輕歲月謂言可久長一朝見零悴嘆息向
秋霜迤邐已窮極疚痾復不康每恐先朝露不
見白日光庶及盛年時暫遂情所望吉辰旣乖
越來期眇未央促促歲月盡窮奉空悲傷
女蘿依附松終已冠高枝浮萍生託水至死不
枯萎傷哉抱關士獨無松喬期月色似冬草居
身苦且危幽生重泉下窮奉冰與澌多謝負郭
生無所事六奇勞爲社下宰時無魏無知

蕭璟

貧士詩

四時迭來往苦辛隨事迫三冬泣牛衣五月披
裘客遲遲春日永憂來安所適季秋授衣節荷
裳竟不易班超棄筆硯婁敬脫挽輓雖云丈夫
志終涉自媒迹賢哉顏氏子飲水常怡懌

陸凱

贈范曄詩

荆州記曰陸凱與范曄交善自
江南寄梅花一枝詣長安與曄

兼贈
詩曰

折花逢驛使寄與隴頭人江南無所有聊贈一

枝春

鮑令暉

擬青青河畔草

裊裊臨窗竹藹藹垂門桐灼灼青軒女泠泠高
堂中明志逸秋霜玉顏掩春紅人生誰不別恨
君早從戎鳴絃慙夜月緝黛羞春風

代葛沙門妻郭小玉作

明月何皎皎垂幌照羅茵若共相思夜知同憂
怨晨芳華豈矜貌霜露不憐人君非青雲逝飄

迹事成秦妾持一生淚經秋復度春

題書後寄行人

自君之出矣臨軒不解顏
砧杵夜不發高門晝
恒關帳中流熠燿庭前華
紫蘭楊枯識節異鴻
歸知客寒遊用暮冬盡芳春待君還

寄行人

桂吐兩三枝蘭開四五葉
是時君不歸春風徒
笑妾

吳聲歌曲

碧玉歌

碧玉破瓜時郎爲情顛倒
芙蓉陵霜榮秋容故
尚好

碧玉破瓜時郎爲情顛倒
感郎不羞郎回身就
郎抱

讀曲歌

花釵芙蓉髻雙鬢如浮雲
春風不知暑好來動
羅裙

紅藍與芙蓉我色與歡敵
莫案石榴花歷亂聽

儂摘

打壞木樓牀誰能坐相思三更書石闕憶子夜

啼碑

儂心常慊慊歡行由豫情霧露隱芙蓉見蓮詎

分明

執手與歡別合會在何時明燈照空局悠然未

有期

歡心不相憐慊苦竟何已芙蓉腹裏萎蓮汝從

心起

書